


Ny Baiboly ho an'ny ankizy
dia manolotra

Ilay zanaka adala



Nosoratan'i: Edward Hughes
Sarin'i: Alastair Paterson; Lazarus
Nampifanarahin'i: Ruth Klassen; Sarah S.
Nadikan'i: Fikambanana "Ndao mba hiaraka aminay" na
association "Allons ensemble" FJKM Nazareta Amborovy
Mahajanga Madagascar
Novokarin'i: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.
Azo atao ny fandikana na fakana ity tantara ity
nefa tsy ho amin'ny fitadiavam-bola.






Tian'i Jesoa ny miresaka amin'olona ny hamorampon'-Andriamanitra. Saingy ireo lehiben'ny tempoly dia nimenomenona ny amin'ny fiarahany amin'ny mpanota. Nitantara fanoharana telo tamin'izy ireo Jesoa mba hanehoana aminy fa tena faly Andriamanitra raha misy mpanota manenina noho ny fahotany.



Ny tantara voalohany dia momba ilay
lehilahy nanana
ondry 100. Very
ny ondriny anankiray.
Teo no eo ihany,
navelan'ilay mpiandry
ondry ny ondry 99
dia lasa nitady
ilay ondry
iray very
izy.





Ilay mpiandry ondry dia tsy nitsahatra nitady ilay ondry very mandra-pahitany azy. Rehefa izany dia nobetainy teo an-tsorony izy ary nentiny nody am-pifaliana.

Ary hoy izy tamin'ireo namany: "Andao hiara-paly isika fa hitako ihany ilay ondriko very."



Nanazava Jesoa
fa misy fifaliana
be any an-danitra
rehefa misy
mpanota iray
mibebaka. Ny
dikan'izany
mibebaka izany
dia manenina noho
ny fahotany - tena
manenina ka tsy
manota intsony
avy eo an!





Ity tantara
manaraka ity
dia tantaran'ilay
vehivavy nanana
farantsa 10.

Angamba mety ho
ny tahiriny rehetra
izany. Nisy zavatra
nampalahelo niseho.
Very ny farantsany
anankiray.



Fafao! Fafao! Fafao! Nikaroka teny rehetra teny ilay vehivavy. Hitany ihany ny farantsany. Faly ery izy. Azonao an-tsaina ve hoe inona no nataony avy eo? Notantarainy tamin'ny namany rehetra ny zava-niseho.






Dia niteny
indray Jesoa:
"Misy fifaliana
be ao amin'ireo
anjelin'Andriama
nitra raha misy
mpanota iray
mibebaka."



Ny tantara fahatelo
notantarain'i Jesoa dia
tena nampalahelo tokoa.
Ity tantara ity
dia ny amin'ilay
zazalahy nandao
ny tranon-drainy.




Tany an-tany lavitra tany, nandanilany foana ny volany rehetra tamin'ny hadalana razazalahy. Inona no afaka ataony ankehitriny? Vao maika nihamafy ny nanjo azy, tonga ny mosarena. Mety ho faty ny hanoanana izy.



Kivy razazalahy. Manome sakafo ny kisoa no asa mba hitany Saingy tsy nisy olona nanome sakafo azy. Mety ho nihinana ny sakafon'ireo kisoa angamba izy. Angamba tena izay tokoa no nataony! Tonga saina razazalahy noho izany! "Any amin'ny raiko eny fa na ny mpanompo aza dia mihinana sakafo sahaza azy."








"Andeha hody any amin'ny raiko aho, ary ho lazaiko azy fa nanenina ny amin'ny ditrako aho. Tsy mendrika ny ho zanany intsony. Manantena aho fa mba ho raisiny ho isan'ny mpanompony."



Raha mbola lavitra ny tranony razazalahy, dia tazan'ny rainy. Nihazakazaka, nitsena azy tam-pifaliana ilay ray. Nanoroka, namihina azy.






"Dada, efa nanota aho. Tsy mendrika ny ho zanakao intsony." Nangataka tamin'ny rainy mba ho raisiny ho isan'ireo mpanompony razazalahy. Saingy tsy nanaiky ny rainy: "Hitondrao akanjo farany tsara, kiraro, ary peratra ho an'ny zanako lahy. Ary mikarakarà sakafom-pifaliana."



Nanao fety lehibe izy ireo satria niverina nody ihany
ilay zanaka adala. Jesoa dia nitantara ity tantara

ity mba hanehoana fa
Andriamanitra dia
tia mandray ireo
mpanota mibebaka
sy miverina aminy.



Ilay zanaka adala

Tantaran'ny Tenin'Andriamanitra, ny Baiboly,

Tao amin'ny bokin'ny

Lioka 15

"Ny fanambaràn'ny teninao dia manazava."

Salamo 119:130





Tapitra

| 45

||||| / ||| 60



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!

Jaona 3.16

